

白
華
前
稿

白華前稿卷第四十

南滙 吳省欽 冲之

古今體詩史官集四

重光單闕

庾嶺折梅圖

文命梨九山跡不到揚粵五嶺交表延括地費裁剔以
茲東嶠雄高撐六鼇骨象占河漢戒表溯秦楚月銷也
多戰功劉項見興蹶用標梅嶺名不帝署榮闕更聞元
鼎年樓船整九伐庾郎好兄弟列障有屯卒二姓雖紛
更地險勢難越高者怒鳴張下者老狐捐複者張錦屏

直者樹華碣一夫控其喉萬衆廢蹄軌所以龍川令拒
關假黃鉞堂堂曲江公羽儀起南渤力持五丁斧一手
鏟窟凸種松今百圍離立秉圭笏海風萬里來吹涼透
毛髮征夫歌詵詵照壁喜無蠟盤盤隨曲螺攬攬關健
鵲不知身歷高杖底見修樾南瞻鸛鵲翔北顧鴻雁沒
惟有梅花林香影襲巾襪江南春信遲折寄倩賓謁下
馬更乘舫摸魚夜歌發

論瓷絕句

煉土塗油製絕殊尚陶風教本先虞縹瓷捧與潘郎手
曾奪千峯翠色無

潘岳笙賦傾縹瓷以酌醽醁魯望詩
九秋風露越窯開奪得千峯翠色來

雨過天青一抹浮薄如繭紙響如球平生不識柴窯面
黃土窪中度鄭州古玩品柴窯出鄭州潤膩有細紋多粗黃土足博物要覽柴窯薄如紙響如磬竹垞詞注周世宗批劉雨過天青雲缺處者般顏色做將來

官汝天然蟹爪紋內司紫口價空羣流傳別有烏泥種

壓倒龍泉膺器紛格古要論汝窯有蟹爪紋宋修內司官窯所燒紫口鐵足者與汝器相類黑者謂之烏泥窯龍泉偽爲之而無紋

南北班班異品題每從黃白判高低誰知紫墨花紅樣

祇要雙痕滴淚齊格古要論定窯有南北古玩品定器細白者貴粗而黃者賤又有紫定白

定有淚痕者佳蘇詩定州花瓷琢紅玉

錢金官匠樣偷描重價爭收號折腰太息寒芒坐輕露

不將祕器進先朝

格古要論元戴金匠彭均實效古定器折腰樣者甚整齊故名彭窯好事

者以重價收之至為可笑老學庵筆記故都時以定器有芒不入禁中

琉田鐵足屬章生淡白濃青畫不成輸與阿兄新製好

斷紋百圾碎庚庚

春風堂隨筆宋時章氏兄弟主龍泉之琉田窯傳史類編章生兄弟所造

窯皆色青濃淡不一足皆鐵色輟執錄哥窯淺白斷紋號百圾碎

燒瓷射利說浮梁樞府名同御廠強試看六窯開設處

金星糖點採麻倉

容齋隨筆彭器資詩浮梁巧燒瓷又因官爭射利古玩品元饒器小足印

花者有樞府字者高江西通志洪武三十五年開御廠及二十座官窯窯名凡六其土出麻倉山有糖點白玉

金星色

空青堆飾錯紅鮮玉箸雙鉤認永宣粉盞酒缸零落盡

醺壇茶醖卻流傳事物紺珠永宣二窯皆以蘇麻雜青爲飾以鮮紅爲寶吳梅邨有宣窯脂粉箱歌博物要覽宣窯白琰心有壇字者曰壇琰嘉窯小白琰有薑棗茶酒等字者乃醺壇所用亦曰壇琰制度質料迥不及矣

粉青花朵說高麗大食銅胎傳藥奇料理纏絲兼鎖口

一時航海重玻璃格古要論古高麗器粉青似龍泉有白花朵者不甚值錢大食窯以銅作

身以藥燒成五色花博物要覽玻璃窯出島夷有白纏絲天青黃鎖口三種

宜壺妙手數龔春後輩還推時大彬一種粗砂無土氣

竹鑪饒殺鬪茶人茶疏龔春茶壺以粗砂製之正取砂無土氣

候火開窯色色同忽驚窯變玉玲瓏不須更話文丞相

多少觀音點化中稗史類編開窯時有同是質同是色而特美異者謂之窯變格古要論吉

白莊前高卷四十
三

州窯書公燒者最佳相傳文丞相過此窯變
成玉遂不燒焉通雅報國寺有窯變觀音

唐窯近出抵璠璣持較年窯或未如笑我兩年滯賓幕

不將雙眼挂陶書

年羹堯所製曰年窯予壬申癸酉間
在九江唐樞使英幕唐所造曰唐窯

其陶書一卷
載陶法頗備

芷塘編修接葉亭圖

圖為王舍人宸作
時芷塘已家亭北

五城衍衍數爛麪幾輩京朝卜居徧差差風葉搖遠陰

誰把茅亭手除繕我行見葉不見亭小坐亭間葉如繖

秋高葉盡一轉幽突兀空腔逼霄半芷塘儼住今五春

亭父亭公號須冠挈榼宵深罰百巡圍枰畫永拚千算

偶簪東絹入畫本竹屋紙牕影凌亂瓊瓏怪石平或頗

旖旎疎花續兼斷昨將家具移北鄰座客驚呼僕人怨
刻櫟雖畱靈運題攀條那免仲文嘆豈知萍海無定常
穴樹虬蟬局終換葉新葉舊機互旋亭短亭長路從判
況聞亭以停得名閑世悠悠等郵傳文光果熟丁子開
猶有晴香拂南院今我不樂歲云暮合泥琴師趁簫伴
移家隔巷誠復佳更乞王郎貌真面

周白於上舍曾祖蓉湖太史在費舍時賦白丁
香花有云月明有水皆爲影風靜無塵別遞
香傳入禁中白於試京兆不利擇石宮詹畫
折枝丁香贈其歸云

北地燕支此絕塵記從槐市伴吟身迦陵詞賦江關滿

激賞何曾到鳳闥

其年檢討有
白丁香花賦

文孫才調說翩翩翟穩秋風事偶然乞取折枝好春樣
月明穩壓過江船

春秋佳日圖爲梓南同年題壽尊甫

唐賢愛牡丹一闌破中產是名富貴花暈痕闌深淺離
根覆時菊爾雅證前典一屈復一陶相對日朏懇物候
爭暄涼世情判晦顯寫生誠大難好事隨所選譬彼熊
與魚食單少兼饌中郎巧付裝朱朱落新翦其上搖珮
環笑靨宛然展其下占黃裳落墨映金粉持此將何爲

以代采蘭獻草堂佳日多澹沲綠簾卷文酒傾螺杯雅
歌肄牙板遙知披卷餘有花手還捻長安花事稀鼠姑
見九罕圃師埽瓦盆頭苗蔚千木鼎鼎輪朱門高隱義
頗損語谿谿水清步屣帶長緩連郵皆桑柘芳塢散雞
犬聊題息壤言雙癡我容歎

御試杆軸予懷得先字

緯持杆首剡經受軸身圓啓予誠迫爾言懷故邈然新
裁書卷外方幅短長邊入叩奇文錯分條妙緒宣羅胸
歸織組信手寄纏綿天輟終嫌拙圖璣豈遜妍客闕花
樣富人悟匠心先不數平原賦爲章
審製懸

送人屯田出關

月落將星黃華燈照急裝秦聲沈鼓角漢詔務農桑候
雁音書迴鳴驪井脈良營平遺略在豈止爲河湟

六月十七日 西苑侍班有典試湖北之

命恭紀

柳陰如繖護宮闕土殿雍容散直還載道皇華新待

命自 天使節細分班東邦論樂家聲恭南國觀風

士氣嫺四載流光三典試 君恩樓數上重邱山是年

於戊子庚寅兩科出試差者分疏
名籍之下自省缺外不復與差

樓桑卹

惠陵手割鷲叢國恭敬維桑訊里門葆羽象占龍虎采
分綿禮識帝王尊百株投老臣心瘁雙社開基祖德存
莫歎永安宮草沒行人翹首挂朝暉

歸次瀘口再省祖母於黃陂寓舍

望縣排雙驛人傳折獄才去官成一笑猶子竟重來荒
熟莊難論公私表可裁便須三日語去顰髮望趨陪

幽篁長嘯圖爲裴元復題

歛旨闡唐賢爲法十有二始以外內激終以太少義立
說疑不根授受王母祕是將含玉音豈特官憑氣惜哉
今失傳弗共雅歌肄之子姿出塵靜便得真意斯咏固

陶情所居復選地有竹茁如蓬有藤纏如臂旁有一畝
宮綺疏滴孤翠涼影紛蒼浪濃陰散遙裔披髮上我牀
故人或來詣傳亦無所從問亦無所對間發四五聲條
然振林際草木颯颯驚鸞鳳飄飄至會當臨高臺清聽
邁繁吹自憐埃垢腸無語破淹滯輞水摩詰懷東臯淵
明志何如成子安作賦了此事

王少林梧竹書堂圖

小樓別我週八期形容昔癯今較肥行儀細署入除目
應棄百賦拋千詩致身要讀律三尺安用借書攜一鴟
白田邨岸隱喬木開有小築柴雙扉剛茅蓋頂牆薜荔

矮儿佺佺排烏皮茗鑪基局百無分縹帙一二堆斜敲
口帖屢匿後生笑手澤終拜先人遺禿襟危坐沁秋爽
竹陰梧翠紛高低君爲進士早得進怪底清素安儒衣
想從應聘歷山長諸生矧豆莘莘隨後堂鶴列聚都講
肯藉絲竹相娛嬰斯圖貌出在何歲口頷句苗鬚鬚髭
他時飾治本經術刀筆篋篋非我師然而君意拔流俗
蓼蟲食蓼甘如飴卽今聯袂謁鉉狀擁鼻猶作吟聲微
吾家痿弟號倔強對牀袖手毫停揮萬卷破來筆自到
多君落紙雲烟飛翦繁題罷樹團影我嬾還復垂紗帷

因方爲珪得融字

雪白原猶玉爲方妙化工幾番旋中矩六出戲分簪疊
罍痕偏淨穿樞影尚濛雲肪裁鎖瑒冰暈琢桓躬體勢
觚棱外精神几案中流斷還記水去角必因風有截輝
常斂無瑕質倍融賦成人匣視堆院小玲瓏

少林桃葉歸舟圖

湖莊一抹綺霞橫纖素工兼織網名金向王郎欺白面

芙蓉枝在石家城

石姓昭陽湖人

金谷量珠語太誇略排水檻對菱花一枝穩放嘔啞觴
絕勝南朝舊犢車

白舫朱簾半上鉤青楓江岸迴含秋費他班管題詩手

描遍春山不自由

分明一舸載夷光粉淡脂濃惹筆牀認得烏衣門巷暖
爲言新燕自昭陽

十三本梅花書屋圖歌爲少林題其曾祖樓邨
先生遺照

蓬萊文章羅浮夢幾樹晴花破寒凍樹底難逢綈袂攜
花間不斷翠禽啼方瞳僊者致消搖朵朵瑤花行且招
連邨慰我菟裘願買宅同君息壤要縹帙牙籤擁深幔
索笑巡檐卻無算依稀內景十三神一神化一老梅幹
夢醒銅街驟玉珂滄江偃臥計蹉跎急呼畫手調鉛粉

別署銜頭種薜蘿八寶田邊掩茆屋散髮裹巾睡粗足
歸院猶傳學士蓮爲園但息隱夫木揚州官閣近遊偏
退傳終歸兜率天周甲尚驚辰歲劫受辛空賸酉山編
芙蓉城主莽蕭颯失喜孫枝比重葉記圖小像入圍屏
愛乞新吟祕行篋小樓始信勝小坡坡公笠屐失摩挲
洛神妙墨君能擅題徧橫枝意若何

武功某尹寫真

竹竿磊砢如儂癯木葉寥蕭共客疎莫笑官人不官樣
苔痕送綠上衣裾

山郭清暉靄暮朝題詩真似武功姚漢陂兄弟同遊否

休負珠紅酒一瓢

元默執徐

興化任清泉母夫人節壽

東海任公子兼通肘後經來遊圍棘舍歸覲種諫庭間
史編彤管壇僊降綵軒歲時驚晚晚命數感伶仃自紱
黔婁被還提鮑婦餅未亡勤代子之死待成丁婢怪晨
炊斷鄰希夜杼停雌鸞長對影雛鳳各揚翎兩世棺淹
土連街燎竄星祝融驕覆棟標怒透疎櫺五體甘同燼
三霄額獨靈燄看回烈烈風訶汜泠泠有返風滅大之異潦積
禾偏熟禾潦於水已而復生波澄井失腥所飲井清見底者七日翠尊齊獻

頌石關迴留銘葛帳當年冷蘭陔此處馨膝前扶笑語
大藥駐修齡

羅兩峯聘鬼趣圖

道人有道羅兩峯早年畫法師金農農也作畫索畫值
懶畫人物況鬼雄揚子江心瓜牛舍道人聽江坐遙夜
徑丈魑頭平瞰君被頸絲毛體分卸祇今貌成第五圖
前後七幅雲模糊一鬼抱肚一翹脚導俚挾雌紛雌肝
旁有長巾搖扇紙童魑出胯衫映紫琰摩世界相叫噪
一對髑髏淚如洗嗟君賣畫人海邊不若賣鬼苑市囊
餘錢朝吞三千暮三百叉手笑輟炊藜烟鬼趣有三佛

說暢外障內障及無障闊浮提放大光明懺與修羅作
供養點鬼說鬼吾不能陰火閃爍池硯冰祇愁鬼物畏
君畫一遇然犀先逖形

蜚園刺史至自荊州以寫真索題怪其儀狀如
昔而畫者故示老瘵詢之知寓騎省之戚蓋
昨年七夕前事云

茅舍低迷石徑微西風捲坐鬢如絲居人卻抱離人感
萬縷千條惹恨時

涼痕如水蘸衣輕出拜書郎訖未成看上學堂增悵望
燈前無復剪刀聲

南州相見意相親
燕市重逢座拂春
怪底卷中人瘳損
緱山七日最傷神

病後禮闈題壁俟撤局日示泉之

舉場浩浩傍星臺
舊是春官粉署開

闈院故元禮部榜慈十年

前一第

予以前癸未成進士今適十年

簪花兩度後重來

同考官例賜金花已丑

辛卯予

沈浮病狀雖禁雪

宣旨以三月六日適雪

俛仰機心本息

灰莫遣絳紗籠
勸眼聚奎堂上重元魁

桃李陰連棣萼榮
別頭停試典持平
事如田海經三見

境有雲泥望一鳴
陸氏莊荒頻自反
姜家被冷竟難名

朝朝苦費調元手

謂劉細數吟髭白幾莖

題閭齋竹深荷淨圖卽送其之曲周

入山不厭深觀水惟取淨插腳人海中勝果大難證兼
畏炎夏長燠燠氣如迸雖然支露棚蠅蚊來不定平移
竹兩竿間買荷數柄一簪寧救飢轉發老饕興此景誰
所圖獨往足幽叟其陽而廣庭其背夾修磴綠楊風絲
絲吹鬢照明鏡古篁陰沈沈襟袖廩寒凝豈知田田葉
忽關晚妝靚行逢白鷺羣坐對文魚騰逍遙多樂方肯
向熱官贈君今重折腰揮汗走相慶畿南民俗醇安臥
醉爲政開軒延太行湓流亦繁映頗有故鄉船月明來
刺榜知君蕭服餘彈琴滿清聽賦梅憶宋公采菊學陶

令理策詩適成馬頭火雲橫

喬鷗邨鍾吳翠竹江邨圖

宅里崇開府江流曲抱城孤邨黃葉隱一道白沙明別
墅茅團舍芳時竹護萌出梢宜土瘠解籜記雷鳴日薄
頻喧雨陰濃那放晴雲藍施藥圃水碧卷苔坪翠袖邀
難得鸞箋寫未成忽延青眼看早訂素心盟芟徑排茶
局飾牕布酒鎗此君同灑落上番蚤逢迎試拓柴門坐
如尋錦里行弗緩君子慕相送主人情遲爾林栖久要
予節槩生朱陳新締眷韓李曩聯名訊爲平安寄詩教
瑣碎評幾時黃歇浦煮筍話歸耕

兩峯畫竹

車塵擾擾六街積落紙忽移薊丘植鑒書

柯九思

倦去奉

嘗夏死何況王

維

黃筌代逾隔面濃背淡恣紛拏取似

遺神費雕飾羅生胸次包渭川多少風篁任狼籍分明

孤竹封墨胎手挹墨君弄晴碧見生畫竹兼畫松亦有

梅蘭鬬標格亂塗亂點春作團非祿非波血成滴我昨

爲題鬼趣圖報我琅玕張素壁兩竿疎影如萬竿二尺

柔梢足千尺烟枝霜節無寸萌怕我老饒煮先喫隨身

信有文與蘇不爾奚由施腕力

用虞伯施隨身有義之鬼語

不見此

法通六書葉分幹篆是誰識生今歸枕竹西宅日暮天

寒白沙白鄰舍寧嫌徑造看姓名每待狂遊刻轍材自

富家自貧飢鳳脩脩淚橫臆好詩在口竹在手蘇公竹語

不救人亦何益

文蘇二公在當日雖貴重而困悴流落亦不少竹詎能救之吳師道禮部語

嗚呼莫謂竹不救人竟無益君不見玉堂人物推兩錢

辛楣開徑從君永朝夕

送毅庵侍讀假觀歸閩次別原韻

遠排歸訊寄雙魚檢校鸞章返舊閩京國貴游先舞綵

鄉關耕養獨攜鉏班非供奉輕投牒里近麻沙雅著書

重與高堂論遭際幾回御筆費親除

作手紛綸起鳳樓三長史筆數君優傳來館吏餐錢堪

載去門生酒舫遊花市
莎街行趁意葉鑪茗椀坐忘愁
梁園幾頃春波暖何必家江戀蔗洲

名銜一笑解塵韃但采陔蘭不采薇
屋角試占喧語誰
軸頭爭願緩膏豨
闌風伏雨泥埋路玉署金坡曙散暉
攜得長安兒女小布帆十幅潞河飛

邊徼西南使節頻不材蹤跡類通人
居鄰瘞弟過從便
院鎖春官笑語真忽奉版輿樂清暇
自裁翰牘慰酸辛
他時準訪康成宅牡蠣牆邊帶草新

凌進士浩擔花圖

朱朱白白春滿籃好花笑遣山童擔
擔來不賣亦不送

勾管花事資長鑱主人得花背花去手捉塵尾搖髭鬚
四十雙二頃烏有學稼學圃須同參泥封水灑閱朝暮
肯著煩惱忘癡憨千枝萬枝拂瑤席三朵兩朵敲玉簪
編椶者蕤若者笠香氣飛襲蕉紋衫爲農滋味倘如此
鋤禾滴汗皆虛談吾生於世百無好好畢萬術師淮南
自從應官別松菊馬塍馬磧誰同探羨君移家近花國
畫所偶寄情猶貪異時種時遍潘縣嘉禾瑞麥恩交涵
一叢之花十戶賦姚黃貢進毋忘忘我言大類殺風景
君忽領首掀修髯

生不能擁八騶朱雀航又不能日乘款段依故鄉寒驢
蹴躡上天去捫歷參井形昂藏我聞劍門形勝壯天下
一夫當關萬夫咋糞金載道竟開山淋雨連宵獨廻駕
幾人燒棧幾架閣王氣消沈霸圖削登高弔古無限情
團笠方袍一行腳彭郎笑傲春江頭十年賓幕從諸侯
晉祠琤潺瀉碧玉華頂突兀揚蒼旒幡然語我蜀道易
好踞巖陰不踞地篋畫囊琴裝自輕綢贏馱馬遊非累
四蹄得得廬山公誰其圍者雙髻童主人舍騎騁先步
五管仰露梯丹虹飛樓祇在松林杪骨肉飛騰逐猿鳥
孤青石氣含晝寒萬疊雲烟半身遶君去誰輸杜老貲

君歸還賦放翁詩甘瓜朱李陪吳質劍外官人知不知

秋日同擇石罽谿辛楣習庵魚門冬友集城南

分韻

選勝行自南將車避塵路汪汪圍積窪莽莽翳雜樹漸
入菰蘆叢拉獵響沙步徑轉亭忽開延緣恐猶誤幸逢
竹林侶後先蹟斯聚折簡固夙要盈尊亦各具賓主都
不知寧復苛禮數閒評金石文遠涉田園趣秋序日已
佳古懽日以悟後會菊初華登高共能賦

羹堂吏部醒園圖

圖順慶守
朱子穎作

君才美如蜀錦段遄歸奉諱淹三年墓田丙舍計粗就

來枕畫省香鑪烟今朝對酒坐蕭暇言有鄉夢依左縣
雲龍山旁象山麓潯江東遶鳴濺濺小園雖小衍先澤
漁父信宿時黃緣一樓一閣置帖妥一花一藥羅芬鮮
亦知人情重懷土援驚鶴怨終由天笑蓉生絹乞能手
朱老真似南鄰然古來軍行重要約馬廐或亦摧平泉
節今松維事撻伐輸輓例藉租庸錢君爲蜀人朱蜀守
時蠟兩屐張長筵想見雪嶺戍天外千里貼席忘戈鋌
予於是園欠親歷巖居川觀寧非仙掉頭不住入京雒
山水之福將唐捐賴此畫本祕行篋玉蟾蜍淚流微涓
醒圓獨醒太無賴豈若買醉長安眠檀林他日大於斗

過訪我亦浮巴船

題吳鑑南蘇門聽泉圖

蘇門連太行為嶙不爲蜀岩亭森九峯選勝邁邁軸天
半來歡聲有臺俯嚴谷併入琮瀑音清聽滿寒淥我昔
行衛郊五年三往復非不思駕遊使事苦匆促所欣髯
絕倫主講空城曲款關無一鷹母亦避塵躅自聞僑法
源鐘飯間鼓粥長林送颺颺窮巷斷軋輓頗怪朝市緣
何處食耳福髯乃歌衛風悲彼泉幾解其跳若夜珠其
挂若晴瀑其節若琤璆其聲若琴筑寥寥天籟中亂以
萬竿竹搖以萬柄荷好伴鷺拳宿此源卽衛源金鯉恣

煦浴下有梅谿流上有堯夫築可臨還可登杖履信板
逐嵩雲散蓬蓬維日鋪煜煜別參鸞鳳音快洗箏笛俗
私念歧路人覲面失投足吾舌媿廣長聞根柢難續開
圖昭衆覽詩境在源澳

集魚門寓齋分題宋陳參政簡齋集

詩派尊蘇黃橫流厄失當簡齋簡且嚴初不厭積放少
俊賦墨梅擊賞到天仗避亂湖嶠遊得時紹興相首鼠
和議間拜罷幾弦望典郡趣優游乞祠寄跌宕編年四
十九有集盛傳唱著錄晁陳餘列傳汪藻葉夢上堂堂
五百篇時事間惆悵哀哉杜陵心誰爲輔臣諒吾聞新

義行風雅遂淪喪此老起中興家學溯希亮知言世實

難謂與陶謝抗豈知激楚音入渾乃張王計帙今不同

晁志馬考二十卷今十五卷第什故無恙何人得其門膏馥枉遺懷

後有董震翁草廬致推讓不選不三唐此卷祕複帳宋史

以簡齋詩上下陶謝韋柳之間後卽以簡齋師杜少陵
品格在諸家之上草廬作董震翁詩序曰簡齋詩超然
入古古體自東坡近體自后山神化之妙得其門者蓋
寡震翁不選不唐不派不江湖問其嗜簡齋詩乎曰然

孫芭谿梅花圖

籬落橫枝雪快晴樓喚蹋遍萬緣輕道人祇愛紅衣好

拈麝瑤華遲到明

散花天女影翩來幾世修成略似梅認得前身雙翠羽

半九涼月浸冰苔

集撰石齋觀元蘇宏道所書賦卷

宏道永豐人所書已作石鼓賦及李西奎徐
汝士王興玉陳祖義李路羅曾吳舜凱諸作
蓋元祐元年甲寅江西鄉闈作主文者吳文
正萊也

三場試士昉延祐條目紛綸省垣奏元文矜式排八比
坊本流傳祖從右次場試賦用古體要與唐賢破窠臼
押韻猶遵禮部頒命題先禁考官漏其年卽係皇慶三
八月克期典加懋江西相府書幣殷六十五翁道斯就

石家都事國器楊郎中允簾影茶香伴清晝額當發解廿

二人雜犯者多吏爭喉時吏以雜犯違制有所除草廬爭之不得於是貢十六人見蕭

立夫墓志人緣選俊似仙瀛題以按奇逮史稻通古善辭差

別精初場在通經明理次場在通古善辭末一一科文別精場在通今知務草廬題吳文正程文語

憑勘究蘇生作賦得賦心十二幅中堆墨繡元試卷奪十二幅奪

標姓氏喜聯翩同舉詞章妙結構復濡散卓伸側釐七

首名程字如豆咕嚕應憐伏案勤摩挲卻笑填金陋厥

後三年公再來扶蹇還將性根叩丁巳草廬再校鄉試以堯舜與人同耳性

相近也發問貢闈聘校凡七賢雅許張仲美胡石塘訂蘭吳

宮詹寶此摹一通為愛青袍鮮匿秀觀公所舉轉憶公

年譜雖成待糾繆危大樸草廬年譜延祐元年江西貢院請校試以疾辭四年江西省請校試時足瘡堅臥不得已始行考官七員公以孟子道性善性相近發問考公集如饒朴蕭立夫皆元年所舉又回劉參政書延祐初科再科深盟香火幻搏沙盛事衣相府見諉閱卷皆不敢避冠於入殼勉旃分派追西江昔之視今今視後

徐夔州

良

臥疾法源寺以榻遺之

維摩方丈雪初昏土銍茶湯火候溫上座參禪高縱好踞牀調曲穩堪論爲君真置南州榻何日重傾北海樽羸得擁衾聽夜課檣頭一櫂夢江邨

集羣谿學士蘇米齋

殿直推端明庵主數海岳當其居嶺南健筆亦親捉一

石英山厓一石使院角姓名記經游賓從示揚推漸苦
苔髮蒙兼患榕根搦此恨石不言曠閱幾弦朔先生洪
趙流適粵爲去提學貞珉與吉金著錄妙裁斲惜渺漢
京碑喜得宋人璞蘇公遷惠時過韶聽水樂陶然展重
陽黃花榮滿握獨疑米歷官茲土未吟蹕史家從謹嚴
遊蹟審堅確系吳系襄陽姑任後賢駁摹鑄出好手價
抵玉雙珎載以車駢駢嵌以壁睢睢故事援蕭齋煌然
表楣桷吾徒心跡清款門許頻數初搦搦硬黃疾揮付
散卓二公地下聞定遣笑聲噪

雨罷晴轉佳涼思滴巾袖言尋離垢緣方外喜相覲遙
渚晦復明虛舟舍還就遠香時襲人淡蕩滿花秀娟娟
映初月一鷺影微逗伊人雲水懷湖上頗宿留今爲出
山泉昔爲養雲岫開圖緬清賞彈指十年舊諷詠資雅
材勝遊結巖竇試問南屏鐘何如曉趨漏

集姬傳寓齋分賦堆雪

時聞西師
攻克兜烏

是物占尋尺何人手築堆厚添冰力擁鬆惜岸根培不
夜光還定兼旬醉與殯似聞天外戍過嶺捷書來

白華前稿卷第四十一

南漚 吳省欽 冲之

古今體詩學舍集一

昭陽大荒落

在蜀五十六月又閏二得詩十三卷集自京至蜀
途次所作曰西笑曰雲機在蜀所作曰劍外曰學
舍曰里區入峩眉所作曰願門凡山川人物多有
攬采故嘗授梓於蜀然分集過多自願門別爲一
集外餘當槩以學舍統之漢書文翁於成都市南
立學舍註以謂學之官舍官係提學不特成都有

舍卽嘉定諸府眉瀘忠達邛五州無不有舍學舍
之名自翁始視蜀學者其集名惟此爲當

出都留別知好末章專示舍弟泉之

蛾眉班上珮聲多西笑匆匆意欲何河嶽眞靈歸結攬
淵雲妙墨分消磨恩深豈止三持節醜小無難載

戢戈珥筆史臣先快睹王師雪外奪蓬婆

春明門外短長亭石棧鉤連一髮青路到邛崃人叱馭
天垂益部使占星衰慵漸信燒鉛訣悔吝閑繙相笏經
纔過朝正勞出餞驅歌歌散不堪聽

冰簟清寒梧樹紅慣聞倦僕觸屏風及瓜雖幸來秋邇

折柳猶煩此地同
破驛重投遊未倦
修門一別信難通

倚樓舊侶行軍久
小伴招扶氣似虹
時少鍾儲往省尊甫璞面軍營

天涯不覺替含愁
四海何人及子由
盡室往還家計左

中年哀樂宦情浮
潁川名德歌慚長
令伯詩情賺報劉

準擬吳船歸萬里
青瑛無恙訊林邱
時和月計僅踰月

古意贈滿城尹喬
鍾吳

疲農秉耒耜反遜
探丸郎貧女理機杼
見笑彈箏倡淘米
波深井井列渾如
漿采果伐嘉樹樹死
果亦亡鷲禽善擊
斷不如鸞鳳祥瓊
葩關韶冶不如松柏
長廉吏不可爲墨吏
安可望載我薄薄地
覆我天蒼浪古琴倦
庸

耳聽者終激昂悠悠去驅馬百里皆春陽

長平坑歌

銳頭小兒銳無匹盡敵不煩刀出鞘四十萬人填一坑
漸割連雞六王畢當時趙壁森廉頗受間不奈黃金多
虎狼蹴蹋犬羊沸血漂肉委成山河首功論賞本秦法
如此焚巢卵全壓將軍坑卒帝坑儒誰向新安麾降甲
長平城隔太行山見說戈頭銅暈斑想象杜郵看劍夜
恢恢天道苦酬還燐火成團故鬼哭膠柱調絃書誤讀
髑髏長戴土花紅慘月荒祠拜馬服

晚次獲鹿

一峯屯薄雪返射一峯晴樹靄低邨岸笳聲上縣城過
山車路盡賀歲酒徒輕風義超三古何人抱犢行

見橐駝負裝

三三五五擁孱顏緩步郎當費往還
廬背盡卽忍容南客詫亂行如綴北宸班
味通井脈丹厓外命盡膏脣翠
金間曾載戎裝歷西極使裝分載祇乘閒

自赤壁仙洞次龍窩寺

箕風吹倒人山靄銅深墨傾身灰窖中
騰笑倚赤壁老仙無定蹤終古斷瑤笛
虛丁薰惡氛陰寒懷征魄劃然
投餓鷹風毛尚狼籍出洞坤軸高原野
曠同色肉駝行

未休打鐘殷相逼回峯如一環意外露鏡刻給徂兩厓
寬錢鏐百丈直死樹春不回假蹇鬬龍脊龍身潛九淵
何乃山是宅遙遙皇祐年僧火劫千百濃霏墮客衣蹋
石畏崩圻差勝夜程嚴雨昏寺門黑

井陘關

常山送我三日行太行掉尾聯翩迎馬蹄誤蹴落深井
峭拔萬丈懸孤城城頭青天城下壁錯磨陰陽鐵森積
凍木排岡鷹鵠休哀笳殷地狐狸匿壑走厓奔星影搖
山鬼白晝驅獐獐健兒捉戍色如土仰嗽坐見黃雲高
孟門黨代亘重阻幾代叢臺賸歌舞趙幟已空漢幟翻

背水軍前動旗鼓擒敵斬餘會食初到頭鐘室恨何如
因人終笑外黃壻報主徒憐李左車

夜次井陘

第八陁邊路釜寄肖棧程山垂燕地開水下晉泉清敗
將非無策真王亦可烹吹燈風倍緊惱亂橐駝鳴

土室

穴土山爲之左右不能相通與穴地者異

驅車土門口土山連西南山居故家落土處翻延覃鑿
坏白炯炯穿豕背潭潭關藥蛾脫蛹逼仄龜支弁海贏
殼獷悍林殼胎渾酒懸爲仙客困坐卽彌勒龕搥壁嘆
索莫推蓬肖窅豁上謝飯餼覆旁絕櫺櫺參復壁隱未

可前戶由還堪牕以櫺示疏席以丈計畱晦明施兩桀
飢渴謀一觥既脫烈炬燒亦免狂霖渰編茅抑何陋牽
蘿母乃愁其狡大類兔惟暖差宜蠶想當練戊日紛與
攜下男因高地不愛負固天斯貪峙畚擇斷壘埽望儲
洶泔勢作象耕熟法如狐搢諸九軻界幽隧一團環虛
庵聚族斯歌哭旅處時言談中央令先稟上古卦且探
伏莽走四野結巢依重嶠營窟堯年憂陶復黷俗甘自
忘峻宇戒更遣機心舍卻至驚鼓鐘吳光匿鉞鏃此象
最渾噩有家頗樂湛庀士遜千萬受人能兩三酒帘望
搖颺飮座聊停驂

妒女祠

神相傳爲介推妹狄梁公爭高宗御路卽此王西樵以爲武后過妒婦津事誤

孃子關前炫服稀幾邨邨女趁巖扉雙旌盡日靈風滿
學畫修蛾是翠微

汾陽遊幸說唐宗祠樹依然輦路逢欲問金輪行避處
當年狐媚已無蹤

凶德寧煩作頌新禁烟遺事劇酸辛祇應畱配靈均姊
莫配劉家婦洛津

祠有唐李諶頌妒婦津在洛水其神劉伯玉妻

南天門

土門遠上路盤鷹一扇豁然瞰萬層直北關山浮魏闕
自西風雨蔽嶠陵沙迷複磴全埋石雪積迴谿半化冰

上黨飛狐天下脊到今臨眺險難憑

壽陽感昌黎

荒碛連九埴厚坤鴈芒角如丸亦如耶
軋路勢如揭稍往就芹泉涓涓瀾潤礪
塢邊城春候寒花柳總蕭蕭有懷
宣諭才意氣動河朔數言折逆謀燎
原火先撲朝臣惜韓愈此語太齷齪
君看駕部郎吳州郵次共行幄唱酬感
月華侵曉雞喔喔使臣走驛馬絕勝
萬才稍方山峙龍從壽水逝灑灑插
翼過軍書銘功筆能捉

太安驛

天半飛層構居人祇傍山人隨高鳥
下山帶亂雲還問

歲嘉禾後觀風慙悴間吾徐封邑古行眺一開顏

興次大風

纔坐簷廡遇石郵土囊決裂浩難收排雲詖蕩稀鴻雁
得路艱虞信馬牛斂手詫乘潮上下壓肩疑蹋浪沈浮
阻風中酒江湖夢今日關山也白頭

上元次張蘭

黃沙眯眼倦憑鞍笑語喧扶酒半闌一種豚羔祠月主
試燈風裏住張蘭

郭有道墓

一轍論朝局高鴻逝渺然清流非俊及遺象亦神仙碑

蕪荒途雨門槐古市煙我來勤汎埽不羨介推賢

郭祠漢槐

積陽瀰漫誰聲死菰獵陰飈射檐底老蛟脊痠身百圍
倒卷濃氛蔽山鬼此樹婆娑是誰植日對林宗無媿色
蒼稜近拂界休城金蕊紛飄洛陽陌雖同屋社覆粉榆
稍異宮門委荆棘三公當日位朝右水火元黃拉枯朽
本撥枝傷國步移宵炕晝聳終難守墊巾徵士翩若仙
高蹈要拍洪厓肩議郎一碑翳深莽怪爾突兀撐邱阡
腹空屢被電雹破幹古肯受藤蘿纏鼠耳瞽瞍亦凡木
有人繫紡有人觸樹譽由來重漢京物宜毋乃因唐俗

君不見槐里令長馳直聲此樹不同殷檻旌又不見槐
市生徒買禮器此樹不將區宅比欺霜壓雪善因天集
鳳栖鸞矜得地久聞過墓禁樵蘇豈數叢祠長條肄石
闌駸犖暝色施行埽落葉歌長歌甘泉玉樹問安在槐
乎槐乎千秋萬歲惟爾多嗚呼千秋萬歲卽不惟爾多
懷人曰槐懷則那

周禮注槐之言懷也槐有懷人之義

曉望綿上山

重墟蒙宿霏馬首眴微白曉霜在枯林十里少行迹徐
聞人語來雲岫卷空碧孤蹤與幽鳥一往眷閒寂封田
何處尋夢眇付樵客世事歌龍蛇隱心蔭松栢目斷杏

花時江南訊寒食

韓侯祠

祠後有墓

韓侯虜豹河東定此地曾過擊趙兵掌上安危傾楚漢
面前真假問良平將壇日落靈旗闕母豕風號宰樹成
高鳥連空頻極目赤眉塵惹野雞驚

宋老生墓

舊書老牛黃馬投壘被斬創業起居注老生攀繩上城盧君謬部人斬之

郎將嬰城日真人問鼎初坐愁幃載重行看壘投虛授
命傳聞異臨戎決策疎楊花飛不起終古遠荒墟

趙城

斜照疎烟岳色微願酬造父作封圻君王入駿行千里

御御鑾輿緩緩歸

國士橋

長兒魯事知伯伯絕之其後死知伯之難見廣韻注

橋下劍光橫
橋頭竝馬驚
迴風酸刺影
逝水苦吞聲
俗薄論施報
天高信死生
殉身還有客
不爲主恩宏

晚過師曠故里

工瞽司吟誦
誰如曠也賢
傾心來叔譽
苦口爲師洵
蕭寺調鐘合
蓬門炳燭偏
年年汾水上
一徑枕蒼烟

皋陶墓

在洪洞西南十二里有元統二年余亨碑墓西北二里有廟

墓域楊侯訊
宗祧項帝歆
封皋章繡黼
釣澤和薰琴
審象顏矜削
平情口類瘖
見聞才子德
舉錯聖人心
本異

申韓涼惟同稷卨欽澤留羸及裔法執腹成擒已奏無
刑績膏沾不祀祿理官徒偶旅祭獄太蕭森塹廟瞻猶
近穹碑拓未任停驂效稽拜謨訓儼垂青史記陶封於皋西衍賊皋陶瘞於雷澤荀子皋陶色如削瓜淮南子皋陶瘞而爲大理涼力讓切漢書注士亦理官

平陽

金甌屹屹帶橫汾簫鼓中流變未聞淖約神人觀揖讓
優游父老話耕耘誰邀青蓋迷風雨曾駐彤車捧日雲
三晉河山雄表裏從容懷眺極斜曛

文中子故里

始皇滅聖文開皇黜月露卓哉李治書軌模示儒素西

河詩禮邦石室振高步教澤流未涇龍門得依據上策
陳太平十二協天數鳳皇千仞翔虎豹九關踞春風歸
絳帷餐粥樂含哺姚杜堂旣升房魏車或御徇曲謝江
翁荒園鄙轅固紛紛書滿家語僭道非汗是時薛司隸
北學盛才譽魚藻刺幽王作頌適擾怒世亂命苟全世
治政可布如何修史才星宿失探派不逢凍水翁直恐
缺掌故寒朝事遠征喬木入蒼霧敝廬自先人考槃眷
獨寤斷斷六藝徒秩秩百王具孫枝尚輕華此實係門
祚一勺飲河汾淵源起遐慕

裴晉公故里

聖相材文武靈河衍粹長四夷詢拜罷羣小伺行藏遺
表前星見胡甸切豐碑巨刃揚東西聯舊眷可是午橋莊

聞喜示許大尹端木

汾澮瞻流惡邨烟入縣衙桐宮高隱樹葦澤淺通車往
代曾聞喜茲邦似獲嘉神明河上宰要聽捷書譁

宿牛犢邨李坊圃自解州來晤

我書初就道君馬遠嘶門豈辨風霜苦相銜慰藉恩別
深家事瑣宦薄世緣懣在客交畱客迢迢河岸邨

司空表聖故里

陶公晉徵士嘗薄五斗粟一酌調一絃其詩淡如菊人

亡詩未亡詩品更誰錄至味外酸鹹冷然吸空淅拂衣
中條山杖策王官谷經營迷生墮軍執斷塵躡豈惟歸
去辭自輓肖歌哭煌煌麟鳳姿無道蹟斯伏龔生天天
年周黨返邦族陽狂箕子行祈死叔孫祝閉門長絕餐
肯使墨胎獨到今千百年里名冠河涑墮笏話常參結
亭緬小築攬襟無與言烟霄逝黃鵠

望中條山

官路送微翠一層濃一層陽暉映金紫及見白雲升遶
麓幾州治栖巖何代僧三休亭上影想象峭寒增

普救寺

烟槐絮柳馬蹄遙遍數昏鐘落絳霄怪底春裘添峭冷
數枝殘雪映中條

孤城鬱律走河聲軍令聞傳折箭盟七寶莊嚴修到否
碑痕如繡亂苔平

綵筆聯翩記會真連廂檀板點歌脣蛾眉祇有青山影

始信文人易誤人金石文字記鄭恆夫人卽世所傳崔鶯鶯年七十六與鄭合葬驢園雜志

鶯鶯耐鄭墓在淇水西北五十里秦貫銘其四德咸備而一再辱於元微之王實甫關漢卿歷久而志銘顯出

洗冰玉之恥寺枕巖嵎坡亦作蛾眉

窄堵瓏璫挂夕陽畫闌低瞰築毬場來朝古渡風陵口

回首雲林隔幾塘

蒲州

蒲州舊錫中都號城冠高寒鵲雀樓到海長河尊一柱
度關太華俛雙旒帝鄉耕稼居猶近霸國兵戎死不休
見說連朝風溜緊索郎無恙對銷愁

潼關懷古

孤城百丈枕重山山下河流買渡扳動地鼓笳騰四扇
當天麾幟冠三關生降豈信胡來易死戰終緣國步慳
數點馬頭青峭影果然大華落人間

楊太尉墓

大鳥暗風林螭碑歲月沈印懸常侍口金對故人心配

孔名雖僭稱隋澤豈深夕陽亭上語千古一沾襟

登西嶽廟佛閣望嶽

華陰道士痠於鶴要逐鶴聲窮碧落鶴少人多飛卻回
踰壁長吁悄攀閣閣前青牛笑開口壺嶠樊桐世安有
知君歎唾飛九天玉女關扉候君久君去幾時還君行
見夢否下有萬古不壞摸索之丹梯上有五更不落翩
聯之珠斗冰夷颺浪來紫庭手擲金船化雪滿滿根盤
魄蓮花擎白虎鼓瑟鸞吹笙顯靈儼座鶉首驚綬旃十
二相去端正但覺百神觴醴二十八潭漿酒潭潭盈雲
臺西東仗雙倚一朵綠雲裏誰子卷衣照鏡是秦娥仙

掌高高舞未已玉光絳氣巖洞間大藥靈根霄漢裏慎
勿學陳希夷逡巡鼻息天帝知亦勿學韓退之讀唐脚
力仙令嗤去天一尺學太白牋天更乞謝朓驚人詩黃
河落天走東海倒入洗頭盆底洗出我舉力斷水拔劍
斫地骯髒沸鬱之襟期俛蹴百二疆仰削五千仞載錫
中嶽封未分少華鎮烟鬟霧鬢看無好挂圓睂埽蒼
暈祠宇幽幽巖磴深塵纓促數負登臨好風到夜月華
墮吹送微鐘何限心

郭汾陽祠

貴主仙莊廢先公家廟傾一疇當少華九鼎在長庚福

備思嘉德功高見篤貞故鄉存俎豆應戀錦衣榮

華州

春風敷水店
門前白句

百里咸林道塵勞思憺然春風微灑店清朗早疏泉祠
廟籠秦樹人家抱嶽運司功遊賞地誰搆小亭傳

渭南

小華曉相送幾行山鳥飛孤邨團嶽市晴翠溼征衣蓮
勺縣樓直莎羅坪樹微新豐今有酒莫遣素心違

蘭相如墓

尺璧荒唐十五城商於六里計同傾誰知睥睨秦庭後
能使將軍媿請荆

鼓慕紛紛犬子多盟臺何處鬱嵯峨一坏卻勝滬池土
長聽烏鳥擊缶歌

鴻門

劍舞如龍畫宴開到門俎肉不勝杯居巢有劍非無用
曾破當場玉斗來

臨潼

西征賦懋黃巷以濟潼
巷多譌卷見匡謬正俗

朝崩東橫夕嶺西玉山朗朗映高低
驅戎遷國忘遺患
黃卷連津識誤題五隊花明仙駕出
三泉松冷祖龍栖
春農喜少傳烽警一綫潼流滿稻畦

驪山溫泉

百草甦凍風出郭卽原野林亭非世情豈必絕車馬山
家籬落疎中有故宮瓦繡嶺蟠鬱葱羅城仡佺閭扶桑
浴日地靈沼可歌雅唱哉錦鳬雁刻畫媚嬌妃樓影翔
鼓橫舟身斂鏤寫溫磨第二湯禍水結癥瘕兆應金螭
翻迹慙石鯨搭湯池失大河蛾眉亟姑捨蒙塵無處湔
遺臭到今巷五行各司職地力倍鎔冶水深變火熱探
源得所假陽冰凝不斲炎井熾難施脂膏在丹穴利導
看平瀉卽以蠲被論詎出醴泉下文苑開曲塘斷碑覆
廣廈暢焉告滌除振衣涼灑灑古池一十六改置孰存
者零落玉蓮花行人山紛多

霸橋

鳳皇原上雨不及柳絲多欲拗春風影長闊漸水波馬
頭雙迸淚驢背一停哦卻問銷魂者無梁比若何

長安懷古兼酬秋帆方伯

巨靈雙掌怒排空百二山河俛瞰東離黍連雲王迹遠
鳴雞到曉霸圖雄賈人有貨移嬴氏帝子無歸屬沛公
秦自醉天天自醒熒熒明月照來同

東井如珠告入關奉春數語阻東還紫微宮闕高凌漢
白露園陵近帶山方士仙蹤迷海上昭儀祕事豔人間
莫言蜀漢非王統九廟猶看世德扳

歷亂楊花化李花
蕪城一去本無家
人天真氣羣雄盡
將相凌烟世澤加
過廟似聞嘶石馬
收京且喜斫金蟆
古來覆敗從淫侈
早有椒房諫玉華

蛙紫紛紛割據名
秦川長對酒杯平
牛車歷碌三橋徙
虎節飛騰四塞并
皮幣向從清渭納
桑麻祇賴白渠成
東郊舊績書釐保
分陝年多想繼聲

時有清渠之議

薦福寺

騎出覆盎門
將訪薦福寺
松杉羅後園
亂裹萬重翠
浮圖招我前
縹緲象束髻
當中駭謫裂
自頂下到地
本非雷斧燒
而作合離勢
一劈不再黏
八寸耐瑣記
木餓必

大開金穰卽稍閉有如射的湖元白競占歲茲寺來何
從經營昉隋世鬱慈阿麼耶歛艷尚主第僧徒指數千
改造復何爲黯淡金碧容參錯闢次歸然十五層或
受祇林芘未央及建章覽昔輒殯廢庶幾效灑埽曷敢
褻唾涕直上自初桃眼窮八川細

興善寺

有隋時銅佛及繙
經學士費長房碑

牛谿一高隱著書最閎實亡隋擯不收遂昧太平術職
官志學士本以贊淵沕碑文出諸費雲霞粲蒸蔚繙經
署頭銜有都苦無咈是時鑄五銖致用利民物良銅采
莊山盛滿兆傾溢卽今尺五天尚見丈六佛脣朱涇更

塗胸珞腥未祓以此祈治安北轅向揚粵此址亦阿房
金狄愴蕭瑟仁暴迹稍殊存毀數難必三門枕高原依
約面太乙蔬畦乾欲圻塌井斷繩繙病僧三數輩辛苦
話戒律願鐫石墨華用補史臣佚

雁塔

塔廢於熙寧中至萬歷甲辰始修其
級下有二龕置諸書聖教序記二碑

塔前第五原塔下幾曲水塔上千佛名肯與諸科齒高
標帶華薄萬象挂檐底策蹇投寺肩黯黝曙神鬼溫卷
過半生掀眉一聞喜往宋騰赤牒奄歛就殘燬獸脊纏
蕨藜虹梁飽蟲蟻石梯碎於粉欲躡日徒眇何年告修
復招呼振衣履塔門闢四維象教入摹擬眞禮賓迦來

參拜藥叉起大千豁端倪落抗堂紀蒼然埽斗城河
渭颯纚纚寒颯不敢向白日一萬里浮生本有涯得第
直糠粃重撫褚公書肅將平鬼虜

曲江亭

沙壅橋平小繫驂好花無復杏園探新蒲咬背鳧停渚
細柳牽蹄犢過潭望姓簪裾天尺五麗人珠翠日重三
閒亭俯仰成今古愁聽昏鐘起隔庵

釘官石

陝西藩署有石厚可尺從倍之衡倍又三釘
頭錯繡傳是隋唐時物官此者以釘入石與

否定貪廉利鈍謂之定官石旁一碣有明人
頌頗雅馴可誦按癸辛雜識長安釘官石決
驗甚神蓋卽此石當從周氏改正

石公夢與丁公搏醉袒完膚受鍼烙一釘奮進一釘著
官來何所去何之點點鱗鱗釘自知利鈍卻勝鱗鱗
石不能言詭神異鈞衡信手等游戲莫忘貪廉論榮悴
南雖北椎失狂簡我心介然匪石轉相笏相印見斯淺
我欲抉石兼拔釘祇恐石去爲列星一笑且別重苔銘